

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 255510 25 St
Zenica, 18.03.2025. godine

Općinski sud u Zenici, sutkinja Marina Šapina, u stečajnom postupku nad društvom Društvo za proizvodnju, trgovinu i usluge „ALFA-M“ d.o.o. Zavidovići, Krivaja b.b., Zavidovići, odlučujući o prijedlogu likvidatora Samira Karahasanović, odvjetnika iz Zavidovića, na ročištu održanom dana 18.03.2025.god., u prisustvu likvidatora i u odsustvu uredno obavještenog Federalni zavod PIO/MIO Mostar KAS Zenica, dana 18.03.2025.god. donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom Društvo za proizvodnju, trgovinu i usluge „ALFA-M“ d.o.o. Zavidovići, Krivaja b.b., Zavidovići, matični broj subjekta upisa: 1-6029.

O b r a z l o ž e n j e

Predlagatelj Društvo za proizvodnju, trgovinu i usluge „ALFA-M“ d.o.o. Zavidovići, Krivaja b.b., Zavidovići, zastupan po punomoćniku Samira Karahasanović, odvjetnika iz Zavidovića, ovom sudu je dana 30.08.2023.godine, podnio prijedlog za provođenje likvidacije nad navedenim pravnim licem.

Rješenjem br. 43 0 L 234541 23 L od 14.11.2023. godine, pokrenut je likvidacioni postupak i za likvidatora je imenovan Samir Karahasanović, odvjetnik iz Zavidovića .

U likvidacionom postupku potraživanje je prijavio Federalni zavod PIO/MIO Mostar KAS Zenica, u iznosu od 5.479,82 KM. Likvidator je navedeno potraživanje priznao kao osnovano, te je u svom izvještaju naveo da društvo nema imovine iz koje bi se moglo izmiriti prijavljeno potraživanje za što je dostavio i uvjerenja nadležnih službi.

Na ročištu radi ispitivanja uvjeta za otvaranje stečajnog postupka održanom dana 18.03.2025.god., likvidator navodi da je u toku likvidacije prijavu podnio PIO/MIO KAS Zenica, u iznosu od 5.479,82 KM, te da je navedena prijava potraživanja u cjelosti proznata kao osnovana. Likvidator dalje navodi da društvo u svom vlasništvu ili posjedu nema nikakve imovine, kako pokretne tako i nepokretne, kao ni novčanih sredstava, zašto u spis suda ulaže Potvrdu UniCredit bank d.d. od 13.06.2024. godine, Odgovor MUP ZDK Sektor za administraciju, Odsjek za administraciju Zavidovići od 08.05.2024. godine, Uvjerenje Službe za upravu geodeskih, imovinsko-pravnih

poslova i urbanizma grada Zavidovići od 08.05.2024.godine, obavijest ZK ureda Općinski sud u Zavidovići od 14.05.2024.godine, a koji su i ranije dostavljeni uz Izvještaj likvidatora u toku likvidacije. Likvidator dalje navodi, da društvo nema drugih neizmirenih obaveza osim onih koje su prijavljene u toku likvidacionog postupka, te kako iz naprijed navedenog proizilazi da društvo nema nikakve imovine iz koje bi se mogli namiriti troškovi stečajnog postupka, a kako su ispunjeni uvjeti za otvaranje stečajnog postupka, predlaže da sud pozive povjerioce i zainteresirana lica da u roku od 30 dana predlože otvaranje tečajnog postupka, i predujme iznos od 3.000,00 KM na ime predujma troškova za otvaranje stečajnog postupka, te ukoliko u ostavljenom roku ne uplate i ne predlože otvaranje stečajnog postupka, sud donese rješenje kojim će otvoriti i zaključiti stečajni postupak, te po pravomoćnosti istog društvo brisati iz sudskog registra.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečajnom postupku („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbjeđenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupka, a koje je predložio likvidator.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:
Marina Šapina, v.r.